

Sgript Gwasanaeth 3-7 Oed

Cynulleidfa Darged	Timing	Amser
3-7 Oed	20-30 munud	Sleidiau Gwasanaeth Ar gyfer plant 3-7 oed

Nodyn i addysgwyr: Mae'r amseru ar gyfer y gwasanaeth hwn yn dibynnu a fydd cwestiynau ychwanegol ar y diwedd, a faint o amser fydd yn cael ei dreulio yn trafod. Ffocws y gwasanaeth yw darllen 'Digi-hwyaden a'r Castell Hud' a ddylai gymryd 15 munud.

Ar Sleidiau 7-10, darperir amrywiaeth o gwestiynau dewisol. Bydd angen i chi ddewis y cwestiynau y byddwch yn eu gofyn ymlaen llaw a chuddio neu ddileu y gweddill.

Sleid 3

Mae'n Ddiwrnod Defnyddio'r Rhyngrwyd yn Fwy Diogel heddiw (**neu fel y bo'n berthnasol**). Mae Diwrnod Defnyddio'r Rhyngrwyd yn Fwy Diogel yn cael ei ddathlu ar draws y byd mewn dros 170 o wledydd, ac mae miloedd o blant yn ymuno yn y dathlu ledled y Deyrnas Unedig.

Ar y diwrnod yma, rydyn ni'n dathlu popeth sy'n wych am fod ar-lein, ac yn ein hatgoffa ein hunain o sut y gallwn ni gadw'n ddiogel.

Ar gyfer Diwrnod Defnyddio'r Rhyngrwyd yn Fwy Diogel eleni rydym yn edrych ar ddau beth: cael hwyl ar-lein, megis chwarae eich hoff gemau neu wyllo eich hoff raglenni, a sut ydych yn ymddwyn gyda phobl eraill ar-lein.

I ddechrau, beth am feddwl yn gyflym am beth yw ystyr y gair **ar-lein**.

All unrhyw un roi gair arall i mi am beth yw ystyr ar-lein?

[Defnyddio'r rhyngrwyd].

Rwyd ti'n hollol gywir! Mae mynd ar-lein yn golygu defnyddio'r rhyngrwyd.

Sleid 4

Mae yna gymaint o bethau y gallwch eu gwneud ar-lein, a gall y rhyngwrwyd helpu i wneud pethau yn haws!

Mae'r sleid yn dangos i ni rai o'r pethau rhyfeddol y gallwch chi eu gwneud ar-lein neu rydych yn gweld pobl yn eich teulu yn ei wneud gartref.

[Clcio am animeiddiad] Efallai y byddwch yn defnyddio'r rhyngwrwyd i sgwrsio, neu i roi galwad fideo i deulu a ffrindiau nad ydych wedi eu gweld ers amser.

[Clcio am animeiddiad] Efallai y byddwch yn gwylio rhaglenni teledu, neu ffilmiau, neu wrando ar gerddoriaeth ar-lein.

[Clcio am animeiddiad] Gallwch gael gwybod beth sydd yn digwydd yn y newyddion neu ddefnyddio'r rhyngwrwyd i ddysgu am bethau newydd.

[Clcio am animeiddiad] Gallwch chi neu eich teulu rannu lluniau neu fideos – os oes gennych ddawn...

[Clcio am animeiddiad] Neu, efallai mai un o'r pethau y byddwch yn ei wneud ar-lein yw chwarae gemau.

Sleid 5

Allwch chi godi eich dwylo os ydych yn hoffi chwarae gemau ar-lein? Neu os yw rhywun arall yn eich cartref yn gwneud hynny.

Ardderchog!

Dwi am roi munud i chi sgwrsio gyda ffrind sydd wrth eich ymyl, er mwyn i chi ddweud wrth eich gilydd pa rai yw eich hoff gemau, a pham eich bod yn eu hoffi gymaint. Nawr!

Arhoswch am un munud ac yna cymryd rhai atebion.

Waw, mae'n amlwg bod chwarae gemau yn boblogaidd iawn ac yn gymaint o hwyl!

Sleid 6

Nawr, hoffwn i wybod **sut** ydych chi'n chwarae eich gemau! Edrychwch ar y sgrin, ac ar gyfer pob un codwch eich bawd os ydych erioed wedi defnyddio'r ddyfais neu'r dechnoleg yna i chwarae gêm.

Darllenwch drwy bob opsiwn a disgwyl i'r plant godi bawd (os ydynt wedi ei ddefnyddio), cyn symud ymlaen.

- Ffôn
- Gliniadur
- Tabled
- Cyfrifiadur
- Consol

Mae yna gymaint o ffyrdd i chi chwarae rydym am edrych arnynt heddiw. Y peth arall oedd sut rydych yn ymddwyn tuag at bobl eraill ar-lein.

Sgript Gwasanaeth

#SaferInternetDay

www.saferinternetday.org.uk

3-1
OED

Sleid 7-10

Nodyn i addysgwyr: Dewiswch y cwestiwn/cwestiynau yr hoffech eu defnyddio ymlaen llaw a chuddio neu ddileu y sleidiau eraill.

Felly, mae gen i gwestiwn ar y sgrin er mwyn i chi feddwl amdanoch chi eich hun am ychydig.

[Darllenwch y cwestiwn yr ydych wedi ei ddewis yn uchel, yna rhoi ychydig o amser i feddwl].

Pwy sydd yn meddwl y gallan nhw ateb y cwestiwn hwn i mi?

[Cymryd atebion gan y plant, fydd gobeithio yn awgrymu ymddygiadau cadarnhaol].

Hollol gywir.

Beth bynnag yr ydych yn ei wneud ar-lein, os ydych yn chwarae gemau neu wneud rhywbeth arall, mae mor bwysig meddwl am deimladau pobl eraill. Yn yr un ffordd rydym yn ceisio bod yn garedig yn y byd go-iawn, dylem wneud hynny pan fyddwn ar-lein hefyd.

Sleid 11

Rydw i'n mynd i ddarllen stori i chi nawr, am hwyaden o'r enw Digi-hwyaden, sy'n hoffi defnyddio'r rhyngwyd. Os ydych wedi clywed am straeon Digi-hwyaden o'r blaen, hon yw'r stori ddiweddaraf yn y gyfres.

Enw'r stori yw 'Digi-hwyaden a'r Castell Hud', ac mae'n sôn am chwarae gemau ar-lein.

Darllenwch stori 'Digi-hwyaden a'r Castell Hud i'r dysgwyr. Mae'r stori ar gael yn: childnet.com/digiduck-magic

Gofynnwch y cwestiynau trafod ar ddiwedd y stori i asesu faint mae'r dysgwyr wedi'i ddeall.

Sleid 12

Nodyn i addysgwyr: Mae'r sleid hon yn cynnwys cwestiynau ychwanegol ar gyfer dysgwyr hŷn – holwch unrhyw rai sy'n briodol yn eich barn chi, er mwyn ymestyn yr hyn maen nhw'n ei ddysgu.

Cwestiynau ac awgrymiadau o atebion



Ydych chi'n siarad â theulu neu ffrindiau ar-lein? Sut?

Galwadau fideo, galwadau ffôn, negeseuon, drwy gemau.



Allwch chi feddwl am unrhyw apiau, gwefannau neu gemau ar-lein sy'n gadael i bobl siarad â'i gilydd hyd yn oed os nad ydyn nhw'n adnabod ei gilydd go iawn?

Mae nifer o gemau ar-lein ac apiau a gwasanaethau eraill yn caniatáu i ddefnyddwyr gyfathrebu. Cofiwch bod rhai o'r rhain yn cynnwys cyfyngiad oedran.

Nodyn i addysgwyr: Os ydych yn bryderus am ddefnydd plentyn o gêm neu wasanaeth ar-lein sydd yn amhriodol i'w hoedran, dilynwch weithdrefn ddiogelu eich ysgol/sefydliad.

I gael mwy o wybodaeth gweler y ddogfen 'Sefydlu amgylchedd dysgu diogel ac ymateb i ddatgeliadau' a ddarperir gyda'r adnoddau hyn.



Pa ffeithiau amdanoch eich hun ddylech chi ddim eu rhannu â dieithriaid ar-lein ac all-lein? Beth allwn ni alw'r holl ffeithiau hyn?

Gwybodaeth bersonol – enw llawn, cyfeiriad cartref, cyfeiriad yr ysgol, dyddiad geni, cyfrinerau, lluniau ohonom ein hunain.



Pa oedolion fydddech chi'n troi atyn nhw i ofyn am help petai rhywbeth ar-lein yn eich poeni chi?

Unrhyw oedolyn y maen nhw'n ymddiried ynddo gartref, yn yr ysgol, mewn grŵp ieuenctid, ac ati.



Mae'n eithaf normal anghytuno gyda'ch ffrindiau weithiau! Os ydych erioed wedi dadlau gyda ffrind (ar-lein neu all-lein), sut aethoch ati i wneud pethau'n well?

Gobeithio y bydd yr atebion yn cynnwys – siarad ag oedolyn er mwyn cael cyngor e.e. Rhiant neu athro, siarad â ffrind ynghylch sut roedd y ddau ohonom yn teimlo a pham, cyfaddawdu, ymddiheuro etc. Yma gallwch atgyfnerthu'r strategaethau datrys anghydfod y bydddech fel arfer yn eu hargymell yn yr ysgol.

Byddwch yn dysgu mwy am gemau ar-lein, ac ymddygiad ar-lein yr wythnos hon (os ydy hynny'n berthnasol). Diolch am ymuno ac am rannu eich barn.

Gobeithio y bydd pawb yn mwynhau Diwrnod Defnyddio'r

Rhyngwyd yn Fwy Diogel eleni!

Sgript Gwasanaeth

#SaferInternetDay

www.saferinternetday.org.uk

